

اتوار 5 اپریل، 2026

مضمون۔ غیر اصلیت

سنہری متن: یوحنا 3 باب 16 آیت

”کیوں ہے رب نے جگ نال اجیہا پیار رکھی پئی اوہنے اپنا کلا کلا پتر دے چھڈیا تاں جو جیہڑا وی اوہدے اُتے ایمان لیاوے مرے نہ بلکہ ہمیشہ دی حیاتی پاوے۔“

جوابی پڑھائی: زبور 5:16 توں 11 آیتاں

- 5۔ رب ای میری میراث تے میرے پیالے دا حصہ اے۔ توں میرے بخرے دا حفاظت کرن والا ایں۔
- 6۔ جریب میرے لئی پسند دیاں تھاواں وچ پئی بلکہ میری میراث چنگی اے!
- 7۔ میں رب دی وڈیائی کراں گا جنسے مینوں نصیحت دتی اے۔ بلکہ میرا دل رات نوں میری تربیت کردا اے۔
- 8۔ میں رب نوں ہمیشہ اپنے سامنے رکھیا اے۔ کیوں ہے اوہ میرے سبے ہتھ اے ایں لئی مینوں جنبش نہ ہووے گی۔
- 9۔ ایسے پاروں میرا دل خوش تے میری روح شادمان اے۔ میرا بدن وی امن و امان وچ رہوے گا۔
- 10۔ کیوں ہے تو میری جان نوں نہ پاتال وچ رہن دیویں گانہ اپنے مقدس نوں سڑن دیویں گا۔
- 11۔ توں مینوں حیاتی دی راہ دکھائیں گا۔ تیرے حضور وچ کامل شادمانی اے۔ تیرے سبے ہتھ وچ ہمیشہ دی خوشی اے۔

درسی وعظ

بائبل وچوں

1- متی 26 باب 1، 2 آیتاں

- 1- تے جدوں یسوع نے ایہہ ساریاں گلاں مکھ لیاں تے ایہہ ماں ہونیا پئی اوہنے اپنے چیلیاں نوں آکھیا۔
- 2- تسی جان دے اوہ پئی دو دنوں بعدِ فسخ ہووے گی تے ابنِ آدم سولی چاڑھن لئی پھڑوایا جائے گا۔

2- یوحنا 2 باب 13 توں 19، 21، 22 آیتاں

- 13- یہودیوں دی عیدِ فسخ نیہرے سی تے یسوع یروشلیم نوں گیا۔
- 14- تے اوہنے ہیکل وچ ٹکے تے بھیدیاں تے کبوتر و بیچن والیاں نوں تے صرافاں نوں بیٹھے ویکھیا۔
- 15- تے رسیاں دا کوڑا بنا کے ساریاں نوں یعنی بھیدیاں تے ٹگیاں نوں ہیکل وچوں کڈھ دتا تے صرافاں دے پیسے سٹ دتے تے اوہناں دے پھٹے الٹاوتے۔
- 16- تے کبوتر و بیچن والیاں نوں آکھیا ایہناں نوں ایٹھوں لے جاؤ۔ میرے پیو دے گھر نوں منڈی والا گھر نہ بناؤ۔

- 17- اوہدے چیلیاں نوں یاد آیا پئی لکھیا اے۔ تیرے گھر دی غیرت مینوں کھا گئی۔
- 18- ایس لئی یہودیوں نے جواب وچ اوہنوں آکھیا توں جیہڑا ایہہ کم کردا ایس ساہنوں کیکڑا نشان وکھاؤ نا ایس؟
- 19- یسوع نے جواب وچ اوہناں نوں آکھیا پئی ایس ہیکل نوں ڈھا دیو تے میں تین دنوں وچ ایہنوں فیر کھڑا کر دیواں گا۔
- 21- پر اوہنے اپنے بدن دی ہیکل دے بارے آکھیا سی۔
- 22- ایس لئی جد اوہ مویاں وچوں جی اٹھیا تے اوہدے چیلیاں نوں یاد آیا پئی اوہنے آکھیا سی تے اوہناں نے پاک کتاب تے اوس اکھان دا جیہڑا یسوع نے آکھیا سی یقین کیتا۔

3- مرقس 15 باب 1 آیت

- 1- تے چھیتی نال سویر ہندیاں ای سردار کاہناں نے بزرگاں تے فقیہیاں تے سارے صدر عدالت والیاں سمیت صلاح کر کے یسوع نوں پھڑ والیا تے لے جا کے پلاطوس دے حوالے کر چھڈیا۔

4- یوحنا 19 باب 16 توں 18 (توں پہلی) آیتاں

- 16- ایہدے تے اوہنے اوہنوں اوہناں دے حوالے کیتا پئی مصلوب کیتا جاوے۔
- 17- تے اوہ اپنی سولی آپ چک کے اوس تھاں تیکر باہر گیا جیہڑی کھوپڑی دی تھاں اکھواندی اے۔ جید ترجمہ عبرانی وچ گلگتا اے۔
- 18- اوہ تھے اوہناں نے اوہنوں سولی چاڑھیا۔

5- یوحنا 20 باب 1 توں 3، 5 (توں 8، 9، 11 توں 14، 16، 19، 21، 22 آیتاں

- 1- ہفتے دے پہلے دن مریم مگدالینی اچیسے تڑکے پئی ہالے، ہنیرا ای سی قبر اُتے آئی تے پتھر نوں قبر اُتوں ہٹیا ویکھیا۔
- 2- ایس لئی اوہ شمعون پطرس تے دو بے چیلے دے کول جنہوں یسوع پیار کردا سی دوڑدی ہوئی گئی تے اوہناں نوں آکھیا پئی خداوند نوں قبر وچوں کڈھ کے لے گئے نیں تے ساہنوں پتائیں پئی اوہنوں کتھے رکھیا اے۔
- 3- ایس لئی پطرس تے اوہ دو جاچیلانکل کے قبر ول گئے۔
- 5- اوہنے جھک کے نظر کیتی تے سوتی کپڑے پئے ہوئے ویکھے۔
- 8- ایس دے اُتے دو جاچیلادی جیہڑا پہلاں قبر اُتے آیا سی اندر گیا تے اوہنے ویکھ کے یقین کیتا۔
- 9- کیوں بے اوہ ہلے تیکر اوس نوشتے نوں نئیں جان دے سی جیدے مطابق اوہ امر دیاں وچوں جی اٹھنا ضروری سی۔
- 11- پر مریم باہر قبر دے کول کھلوتی روندی رہی۔ تے جدوں روندیاں ہوئے قبر ول جھک کے اندر نظر کیتی۔
- 12- تے دو فرشتیاں نوں چٹے لباس پائے ہوئے اک نوں سرہانے تے دو بے نوں پینداں ول بیٹھے ویکھیا جتھے یسوع دی لاش پئی سی۔
- 13- اوہناں نے اوہنوں آکھیا اے عورت! توں کیوں روندی ایس؟ اوہنے اوہناں نوں آکھیا ایس لئی پئی میرے خداوند نوں چک کے لے گئے نیں تے پتہ نئیں پئی اوہنوں کتھے رکھیا اے۔
- 14- ایہہ آکھ کے اوہ پیچھے مڑی تے یسوع نوں کھلوتے ویکھیا تے نہ پچھانیا پئی ایہہ یسوع اے۔
- 16- یسوع نے اوہنوں آکھیا مریم! اوہنے مڑکے اوہنوں عبرانی زبان وچ آکھیا اے رُبونی! یعنی اے استاد!
- 19- فیرا اوسے دن جیہڑا ہفتے دا پہلا دن سی لوڈھے ویلے جداوتھے دے بوہے جتھے چیلے اکٹھے سی یہودیوں دے ڈرنال بند کیتے سی یسوع آکے وچ کھلو گیا تے اوہناں نوں آکھیا تہاڈی سلامتی ہووے!

21- یسوع نے فیر اوہناں نوں آکھیا تھاڈی سلامتی ہووے! جیویں پیونے مینوں گھلیا اے میں وی تہانوں گھلدا
واں۔

22- تے ایہہ آکھ کے اوہناں اُتے پھُو کیا تے اوہناں نوں آکھیا پاک روح لوو۔

6- اعمال 1 باب 6 توں 9 آیتاں

- 6- ایس لئی اوہناں نے اکٹھے ہو کے اوہنوں پچھیا پئی اے خداوند! کیہ توں ہے ای اسرائیل نوں بادشاہی دیویں گا؟
- 7- اوہنے اوہناں نوں آکھیا پئی اوہناں ویلیاں تے معیاداں نوں جاننا جنہاں نوں باپ نے اپنے ای اختیار وچ رکھیا اے
تھاڈا کم نہیں۔
- 8- پر جدوں پاک روح تھاڈے اُتے نازل ہووے گا تے تسی قوت پاؤ گے تے یروشلیم تے سارے یہودیہ تے سامریہ
وچ بلکہ دھرتی دی انتہا تیکر میرے گواہ ہوو گے۔
- 9- ایہہ آکھ کے اوہ اوہناں دے ویکھدیاں ویکھدیاں اُتے چک لیا گیا تے بدلی نے اوہنوں اوہناں دی نظراں توں نکالیا۔

7- 2 تمیتھیس 1 باب 1 (توں دو جی)، 8 توں 10 آیتاں

- 1- پولوس جیہڑا رب دی مرضی نال مسیح یسوع دارسول اے۔
- 8- ایس لئی ساڈے خداوند دی گواہی دین توں تے میتھوں جیہڑا اوہدا قیدی واں شرم نہ کر بلکہ خداوند دی قدرت
دے مطابق خوشخبری دی خاطر میرے نال دکھ سہ۔

9۔ جنسے ساہنوں مکتی دتی تے پاک بلا اووے نال بلا یا ساڈے کماں دے پاروں نئیں بلکہ اپنے خاص ارادے تے اوس فضل دے پاروں جیہڑا مسیح یسوع وچ ساڈے اُتے ازل توں ہوئیا۔

10۔ پرہن ساڈے مکتی دین والے مسیح یسوع دے ظہور توں ظاہر ہوئیا جنسے موت نوں نیست تے حیاتی تے بقانوں اوس خوشخبری دے راہیں روشن کردتا۔

8۔ مکاشفہ 1 باب 1، 18 (توں دو جی؛) آیتاں

1۔ یسوع مسیح دامکاشفہ جیہڑا اوہنوں رب ولوں ایس لئی ہوئیا پئی اپنے بندیاں نوں اوہ گلاں وکھائے جنہاں دا جلد ہونا ضرور اے تے اوہنے فرشتے نوں گھل کے اوہدی معرفت اوہناں نوں اپنے بندے یوحنا تے ظاہر کیتا۔

18۔ میں جیوندہ واں۔ میں مر گیا سی تے ویکھ! ہمیشہ تیکر جیوندہ رہو اں گا۔ آمین۔

9۔ یوحنا 14 باب 19 (کیوں ہے) آیت

19۔۔۔۔ کیوں ہے میں جیوندہ واں تسی وی جیوندے رہو وگے۔

سائنس تے صحت

1- 13-4:410

یسوع آکھدا اے پئی ”ایہہ ہمیشہ دی حیاتی ہے اے“ نہ کہ ہووے گی، تے فیر اوہ بیوتے اپنے آپ دے موجودہ علم دے طور تے ابدی حیاتی دی وضاحت کردا اے یعنی پیار، سچائی تے حیاتی دا علم۔ تے ہمیشہ دی حیاتی ایہہ اے پئی اوہ تینوں خدائے واحد تے برحق نون تے یسوع مسیح نون جنہوں توں گھلیا اے جانن۔ صحیفے آکھدے نیں، ”انسان بس روٹی نال ای جیوندہ نہ رہووے گا، بلکہ ہر اک لفظ نال جیہڑا رب دے مونہوں نکلا اے“، ایہہ ظاہر کردا اے پئی سچائی ای انسان دی اصلی حیاتی اے۔ پر انسان ایس تعلیم نون عملی بنان اُتے اعتراض کردا اے۔

2- 29-25:468

سوال۔ حیاتی کیہ اے؟

جواب۔ حیاتی الہی اصول، سیان، جند، روح اے۔ حیاتی شروع تے اخیر توں بغیر اے۔ ابدیت، بغیر ویلے دے، حیاتی دا تصور پیش کردی اے، تے ویلہ ابدیت دا حصہ بالکل نہیں اے۔

3- 4:469 (حیاتی الہی اے)۔ 5 (توں دو جا)

حیاتی الہی سیان اے۔ حیاتی محدود نہیں اے۔ حیاتی موت تے محدودیت توں ناواقف اے۔

4- 20:497 (اسی)-23

اسی ایہہ گل من دے آں پئی یسوع داسولی چاڑھے جان تے اوہدے جی اٹھن نے ہمیشہ دی حیاتی، ایہتھے تیکر پئی چند،
روح دی کاملیت تے مادے دے عدم نوں سمجھن لئی ایمان نوں اچا کیتا۔

5- 28-23:426

موت دے یقین تے ایس ڈنگ دے ڈرد اضائع ہونا صحت تے اخلاقیات دے معیار نوں اوہدی ہن والی اچپائی توں
کتے اچا کرے گاتے رب، ابدی حیاتی اُتے غیر متزلزل ایمان دے نال ساہنوں مسیحت دے جھنڈے نوں اچا رکھن
دے قابل بنائے گا۔

6- 8-4:509

ساڈ استاد اپنے چیلیاں اُتے دوبارہ ظاہر ہو نیا، اوہناں دی حیرت دے عالم وچ اوہ قبروں جی اٹھیا، اپنی اچی سوچ دے
تیجے دن، تے ایہ اوہناں نوں ہمیشہ دی حیاتی دا کجھ فہم دتا۔

7- 2-314:10

اوہناں یہودی لوکاں نے، جیہڑے رب دے ایس بندے نوں قتل کرن دی تاہنگ وچ سی، واضح طور تے ایہہ دکھایا پئی اوہناں دے مادی خیال اوہناں دے بدکار کماں دے بیٹھاں سی۔ ایہہ جان دیاں ہوئے پئی سیان معمار سی، جد یسوع نے اپنے بدن نوں دوبارہ بناؤن دی گل کیتی، تے آکھیا، ”ایس ہیکل نوں ڈھا دیو تے میں اوہنوں تن دناں وچ فیر کھڑا کر دیواں گا“، تے اوہناں نوں لگیا پئی اوہدا مطلب اوہدے بدن دی بجائے اوہناں دی مادی ہیکل سی۔ جیسے مادیت پرستاں لئی، اصلی انسان عفریت، نہ دیدنی تے اجنبی دکھالی دیندا اے، تے بدن، جنہوں اوہناں نے قبر وچ رکھیا سی، مواد دکھالی دیندا اے۔ ایس مادیت پرستی نے اصلی یسوع توں نظر ہٹا دتی، پر فرمانبردار مریم نے اوہنوں دیکھیا، تے اوہنے اوہدے اُتے پہلے توں کتے بوہتا مواد تے حیاتی دے اصلی خیال نوں ظاہر کیتا۔

انسان دے مادی تے پاپ آلودہ ایمان دے پاروں، روحانی یسوع اوہناں لئی ناقابل تصور سی۔ اوہدے الٰہی سائنس دے اظہار نے جنہاں زیادہ ہوون دے مسئلے نوں اُچا کیتا، تے اوہنے جنہاں زیادہ الٰہی اصول، سچائی تے پیار دیاں مانگاں نوں واضح طور تے بیان کیتا، اوہناں ای زیادہ اوہ پاپیاں تے اوہناں لوکاں لئی نفرت دے قابل بن گیا، جیہڑے اپنے آپ نوں پاپ تے بیماری توں مکتی دین لئی مادی قانوناں تے عقیدیاں اُتے انحصار کردے سی، جیہڑے حیاتی دے ناگزیر قانون دے نال فرضی رضامندی رکھ دیاں ہوئے موت دے ماتحت سی۔ یسوع نے اپنے جی اٹھن نال اوہناں نوں غلط ثابت کیتا تے آکھیا، ”جیہڑا جیوندہ اے تے میرے اُتے ایمان رکھدا اے اوہ ہمیشہ تیکر کدی نہ مرے گا۔“

8 - 24-21:315

یسوع دے روحانی اصل تے سمجھنے اوہنوں ہستی دیاں اصلیتاں ظاہر کرن دے، ناقابل تردید طور تے ایہہ ثابت کرن دے قابل بنایا پئی کینویں روحانی سچائی مادی غلطی نوں تباہ کر دی اے، بیماری نوں ٹھیک کر دی اے تے موت نوں جت لیندی اے۔

9- 3-20:17-13:46

مالک نے ایہہ صاف صاف آکھیا پئی بدن روح نئیں سی، تے اوہنے اپنے جی اٹھن توں بعد بدنی حساں اُتے ثابت کیتا پئی اوہ بدن اوس ویلے تیکر نئیں بدلیا جد تیکر پئی اوہ آپ اُتے نہ گیا، یادو جے لفظاں وچ، جد تیکر پئی اوہ روح یعنی رب دے ادراک وچ ایس توں وی بوہتا اچانہ ہو گیا۔

یسوع دی موت دے بعدوں اوہدی نہ بدلن والی بدنی حالت نے ساری مادی حالتاں اُتے سر بلندی پائی تے ایس سر بلندی نے اوہدے آسمان اُتے چکے جان نوں واضح کیتا، تے بغیر غلطی دے قبر توں آگے اک امتحانی تے ترقی یافتہ حالت نوں ظاہر کیتا۔ یسوع ”راہ“ سی، یعنی اوہنے سارے انساناں لئی راہ تیار کیتی۔ اوہدے آخری اظہار وچ، جنہوں آسمان اُتے چکيا جانا آکھیا جاندا اے، جنسے یسوع دی دھرتی والی حیاتی نوں مکا دتا، اوہ اپنے چیلیاں دے بدنی علم توں اچا ہو گیا تے مادی حساں نے ہو راہوں نہ دیکھیا۔

فیر اوہدے چیلیاں نوں پاک روح ملیا۔ ایہد مطلب ایہہ اے پئی، جو کجھ وی اوہناں نے دیکھیا تے سہیا، اوہدے نال اوہ الہی سائنس دی وڈھی سیان وچ ودھے، ایہتھے تیکر پئی یسوع دیاں تعلیماں تے اظہاراں دی روحانی تشریح تے ادراک وچ وی، جنسے اوہناں نوں حیاتی، جیہڑی رب اے، اوہد اک دھندلا جیہا تصور دتا۔

10- 28-18:34

سارے شاگرد اپنے تجربات دے راہیں ہو ر روحانی بنے تے ایہہ ٹھیک طراں سمجھے جو مالک نے سکھایا سی۔ اوہد ا جی اٹھنا اوہناں د جی اٹھنا وی سی۔ اوہنے اوہناں دی تے دو جے لوکاں دی روحانی بے حسی تے بوہت زیادہ امکانات دے خیالاں وچ رب اُتے انھے بھروسے توں جگایا۔ اوہناں نوں ایس ارتکاز دی لوڑ سی کیوں جے بوہت چھہستی اوہناں دا

مالک حقیقت دے روحانی دائرے وچ دوبارہ جی اٹھن، تے اوہناں دی سوچ توں وی کتے اُچا چکیا جان والا ہووے گا۔
اوہدی وفاداری دے اجر وچ، اوہ مادی حس لئی ایس تبدیلی وچ غائب ہو جاوے گا جنہوں معراج آکھیا جاندا اے۔

11- 31-26، 19-16:232

ساڈے دور وچ مسیحیت دوبارہ الہی اصول دی طاقت نوں ظاہر کر دی اے، جیویں اوہنے بیمار نوں شفا دیندیاں ہوئے
تے موت اُتے فتح مند ہندیاں ہوئے اُنی سووڑھے پہلاں کیتا سی۔

سچیائی دی پاک بادشاہی وچ مضبوط درآمد دیاں آوازیاں آؤندیاں نیں، پر اسی اوہناں اُتے دھیان نہیں کر دے۔
ایہہ بس اوہدوں ای ہندا اے جدوں ساڈیاں حیاتیاں وچوں فہم دیاں تکلیفاں تے خوشیاں مک جان دیاں نیں پئی اسی
غلطی دے کفن دفن تے روحانی حیاتی دے جی اٹھن دی ناقابل اعتراض علامتاں نوں سمجھدے آں۔

12- 2-27، 16-14، 10-7:292 (توں پہلا)، 2-27

ساڈے لئی سچیائی صرف تہ ”جی اٹھنا تے حیاتی اے“ جد ایہہ ساری غلطی تے ایس عقیدے نوں نیست کر دی اے
پئی سیان، انسان دی کلی لافانیت، بدن دے راہیں قید ہو سکدی اے، تے حیاتی موت دے قابو وچ آسکدی اے۔

فانی سیان لئی مادہ حقیقی اے تے بدی اصلی اے۔

ایہہ بدنی مادی ذہنیت سیان دے ناں دا غلط استعمال، فانی اے۔ ایس لئی انسان فنا ہو جاوے گا، جیہڑا اصلی روحانی انسان دے اپنے رب دے نال ناقابل تسخیر رابطے ول اشارہ اے جنہوں یسوع لو وچ لیا یا۔ اپنے جی اٹھن تے اسمان اُتے چکے جان وچ، یسوع نے ایہہ ظاہر کیتا پئی اک فانی انسان جو انمردی دا اصلی جوہر نئیں ہندا، تے ایہہ پئی ایہہ مادی غیر اصلی مادیت اصلیت دی موجودگی وچ غائب ہو جان دی اے۔

13 - 2-1:289

ظاہر کیتی ہوئی سچائی ہمیشہ دی حیاتی اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں داک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی بیارای حکومت کرداے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال بیار دیاں مٹھیاں سچیاں داپر چھانواں بن دااے۔ ایس چرچ دے سارے رکنناں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔